



大復集

八



門和16
1205
8



大復集卷第二十三

都指揮婚袁聚刊

五言排律二十六首

上李石樓方伯 以下家集

三晉多入傑吾師出固然素汾經大岳紫塞入
幽燕世業端 里名邦倚舜田由來天運復誰
謂地靈偏郭相漸先達王通俟後賢明經超第
一射策對三千感會逢昌紀登庸起少年劔鋒
寒照雪辭桑麗生烟博物張華讓多才子建隣



八又迎客。如復字。後人傳。言。在。文。章。貴。還。應。器。
識全推談飛玉露浩氣豁金天亮節唐元振英
風魯仲連青雲仍自致黃鵠任孤騫簪筆星辰
上持書日月前觸邪獬獬豸特立憚鷹鵠東觀
臨晨入西臺薄暮旋朝回焚疏草吏散閱陳編
百采珙行整群公禮數虔一年巡洛表兩命下
秦川斧鉞威關隴舟船達澗澗石林風浙澀霜
仗月嬋始邊徼胡霄遁茅茨大夜眠激揚弘憲

度旌別布威權制作人文渙經行草木鮮閭幽
輝徃哲訪古徧遺阡沒黠還辭漢張騫又使邊
臺端堪秉節湖上旦移旃城接三江樹波通七
澤蓮蠻夷恩已洽州群役多蠲紆察元無隱焚
置昔自使駐車仁雨渥登座法星懸遠泉馳譽
久當途薦疏聯碧梧看鳳時喬水待鸞遷分陝
推公奭封侯得傳玄開藩臨宋苑張幕傍河孺
位重心逾下名高守益堅澁花當首署棠華苗

郊鄙聲價隆方鎮先芒動斗懸明堂求畫棟清
廟想朱紘冠準真時望王公勸早宣麒麟功不
朽金石頌應鑄愚本蓬蒿質那堪侍几筵垂髫
家引拔撫志荷陶甄附驥懷深願登龍感夙緣
未除原憲病空負樂生愆舊業心常在脩途步
轉遭鸞鳴猶待律魚得敢忘芟草野瞻飛蓋雲
遠望著鞭臨風歌此曲慷慨不成篇

寄徐博士二十二韻

有美雲間士才名洛下傳逢時不得意謫宦轉
悠然殊澤優文學清階謝糾纏班行亦霄漢官
侶是神仙樓閣星辰麗宮櫺日月連院桃紅爛
日闕檜碧參天賈誼為王傳陽城淑後賢諸生
攻誦法六館藉陶甄王序金鏞列虛廊石鼓懸
雅音淒古調寄字索遺鑄劉向憂經術楊雄困
草玄羅傷廷獄宅座嘆廣文甄魯壁藏書日齊
門鼓琴年青襟時涕淚學士盡奔遷鸚鵡愁金

絡麒麟耻玉鞭客心千里鴈歸興五湖船上國
同傾蓋長霄更接遙彩雲停翠管白雪繞朱絃
帳別燕臺下淒涼楚水邊海鷗終浩蕩天馬白
騰騫朋舊稀相見江湖益可憐因風問消息
素幾時旋

寄邊太常

不薄淮陽守翻辭大省寮聯翩追近地奉引憶
先朝碧落仙人館銀河織女橋漢儀瞻鹵簿虞

樂典簫韶日月旂常動星辰劔佩推聳身殊道
路回首隔雲霄河內猶宜借山陰豈見招乾坤
五馬貴江海一麾遙雅識懷金奏同遊嘆玉鑣
歲年雙轂轉岐路一蓬飄鸞翻終難鑿鸞遷本
在喬九苞應不遠覽德是何朝

復菴王公錦

斯人中土彥未老即重泉薦鴉推前達乘駒憶
少年聲名起霄漢詞漢落雲烟志在身先退才

高道亦全劔橫常自許寶棄復誰憐世業襄城
舊孤墳汝路偏脩文應地下遺像儼生前未得
瞻風旣空令涕淚懸

愚菴王公塚

大夫元曠達襟抱絕塵氛香署星辰列清班鶴
鷺群兩都看宦達百宋重廉勤要地能知止危
途耻策勳早投南郭隱不待北山文身向歸來
健名從死後聞一官無厚業諸子有餘勞鳴瑟

一本作勤

哀梁木遺書落案芸風花虛館榭烟草自丘墳
野路東流水空山歲暮雲北原長不起回首一
懷君

雷

十月鳴雷動中宵萬壑哀初聞蟠地出忽覺遠
庭迴夜水蛟龍鬪寒山風雨來江濤何處拆天
柱此時推詎識乾坤意深愁號令年攬衣還不
寐坐望積陰開

雨後溪園即事

偃息春朝晏，輕陰散野園。
山雲行翠壁，溪雨度河源。
鷺浴暗相倚，鳧飛暖日喧。
疎楊映遠岸，細草入平原。
開徑徒懷侶，臨流且避諠。
豹終隨霧隱，龍豈怨泥蟠。
鴻鵠皆千里，雞豚自一村。
幽棲何限意，難與世人論。

中元節有感

去歲中元節，朝陵百職同。
嚴趨神路左，遙拜孝

園東。龍虎瞻王氣，乾坤仰帝功。
未迴衡嶽駕，空遺鼎湖弓。
啓兆龜圖順，編年鳳曆終。
王衣陳畫幄，寶瑟闕玄宮。
北極猶前日，南薰亦舊風。
病居逢此日，長望五雲中。

九日

盜賊無休日，憑高淚滿纓。
岷峨日博愴，江漢矢澄清。
故國遺軍壁，孤城傍虜營。
兵戈生朔氣，鞞鼓入秋聲。
吹帽他時興，登臺此日情。
賓朋共一

笑俯仰異平生黃菊淮川晚丹楓楚岸晴蹉跎
栗里醉惟悴澤中行近郭青山抱迴堤綠水繫
長陰接遠句短日背高城墟里孤砧發關河一
鴈鳴臨觴憂戰伐對食想昇平元師譙推敵尚
書尚用兵幽人獨北望疲卒舉西征秋圃芳菲
雜閉門鳥雀盈垂蘿飄几席落葉裊簷楹夕竹
指烟勁寒花泣露明光陰玄鳥變湖海白鷗輕
放逐寧遠性棲遲且避名蒼生大臣在莫自污

縱橫

悼馬詩

子家買得一馬齒小而良丁卯歲季夏十
五夜予忽夢一龍子立塔下跼蹐而死夢
警撞在戶外呼曰廐馬死予怪且惜之作

悼馬詩十韻

乘爾方踰歲何期病忽危四蹄猶未罄雙淚滋
長岳渥水千年降房星一夜墜早逢田子嘆終

遣塞翁悲顧影辭金絡遺骸戀故帷詎能酬飼
秣那復效驅馳首着殘空櫪莓苔滿故池風塵
思駿力烟海失龍姿惆悵玄黃句淒涼赭白詞
平生精志在不愧主人知

郊觀二十二韻以下京集

今代園丘地天開壯麗區神祇二后配禮樂百
王殊制作田 皇祖儀章藉老儒萬靈缺受紀
七聖曾承圖柴望兼虞曲登封畧漢模魏基錯

采繪法象備堪輿丹戶乾坤闢彫墻海嶽扶瑤
壇上星斗琳觀俯虛無輔弼朝玄座勾陳衛紫
樞風含浴殿暖雲裊露盤孤鄙時瞻春祀高高
聽夜呼公侯守禁禦虎旅發金吾玉輦臨犧宰
珍儷走膳夫廟縣鏞鼓列庭舞羽干趨俎豆聯
周簋圭璋飾夏瑚祠官足錦繡道士住蓬壺澤
草三花綻宮霞五色敷時時聆磬管鬱々鎖松
梧日月藏金櫃龜龍秘赤符析天洪洛誥渡海

斥秦誣杜甫。唐三禮。班生漢兩都。侍臣從此賦。
千載頌交謨。

壽許司馬

間代生豪傑。乘時見哲人。雄姿龍馬異。偉器廟
廊珍。浩蕩天開運。崔嵬嶽降神。扶持元有自。制
作固無倫。磊落先朝事。崢嶸報主身。九霄隨日
月。萬里出風塵。柱下曾簪筆。臺端早拽紳。觸邪
持豸角。糾繆逆龍鱗。道直官頻謫。時危志不伸。

主

流言鑠金石。雅操厲松筠。行路知桓典。專城借
寇恂。清譽高士論。優詔闡皇仁。紫禁彈冠入。
黃沙捧節巡。謹護仍寡合。正氣凜難馴。厚寵臨
危辱。幽期邁隱淪。班行看解綬。河上羨垂緜。謝
卧東山裏。夷歸北海濱。蒼生懸望切。青瑣薦書
頻。改革逢多難。倉皇憶舊臣。帝心虛簡在。神
武藉經綸。指顧三邊靜。吹噓四表春。朝廷推
汲黯。惟惺用陳遵。圖識魚蛇變。營觀虎豹馴。赤

墀分雨露。畫省接星辰。下殿常宣問。臨軒數見親。
御香携袖滿。瑞錦賜袍新。不屈朱門貴。能憐白屋貧。
散衙時待士。開閣晚留賓。片善無攸伏。微言得具陳。
重閣俱鑲鑿。諸子益振振。竇氏燕王官。葉縣宰仙令。
漢庭聞寵餞。傾朝俊清光。憶近君鷁舟。三峽去鳧鳥。
九霄分錦水。流營月已山。入陣雲。朝廷再遣將。郡邑半從軍。
雍齒封侯地。期君早樹勳。

寄贈王秉衡御史

獨坐清關內。臺中覺汝賢。函嶺天下險。周召國風先。
按節人文朗。登臺使命宣。豺狼避驄馬。神鬼泣龍泉。
文彩驚流輩。微庸憶往年。衣冠隨謁帝。館閣望登仙。
省接星辰近。池臨雨露偏。畏途逢改革。新法忤權奸。
放逐江湖去。飄零歲月遷。地卑棲鍛羽。天近起聯翩。
殘寇猶衝突。蒼生極倒懸。專征空授鉞。募戰豈論錢。
漂血江河赤。僵

尸楚蜀連俊才無武畧要地有威權馬上排金
戟軍前贈玉鞭笑談安右計激切賈山篇漢苑
南山下秦城北斗邊相思一回首萬里各風烟

贈良伯

帝座神仙侶天河鳥鵲橋常時異棲息今日共
雲霄念子飛騰入相看衢路遙人猶惜駿良吾
已嘆鷓鴣苑旭高雲閣宮花並玉驥明光羨起
草努力在清朝

贈劉生

劉生何激昂下筆已成章誰敢輕年少五尺重
老蒼王揚操翰墨游夏早升堂汗血真龍種奇
毛木鳳凰炎天留玉樹花夕映冠裳霄浴雲鴻
羽他時看爾翔

送鄭伯生送親還夷陵

送喜潘輿動承歡解玉簪私晴鳥鳥疏恩詔鳳
凰林畫錦供萊服秋懷能越吟路難回馭志江

穩放舟心雨露殘冬景風塵靜夕陰荆門巴國
盡巫峽楚宮深碧樹猶春色黃鸝更好音莫因
鄉土樂長往故山岑

聞河南捷呈閣內諸公

近得河南定旋收東海疆元克親受縛餘孽遠
潛藏始失徐關險絡連郢塞長狐狸窺社稷螻
蟻竊侯王清洛子營駐黃河一葦航詎能逃汝
漢那敢傍嵩邱勇鬼傳諸將兵威借朔方中丞

臣一任匡

開

兼節制上宰極扶臣霽色瞻宮殿陰氛散渺茫
凱音連報捷獻壽屢彌觴天子開麟閣群公奉
柏梁中興當此日漢武是今皇愴往衣冠禍
哀茲盜賊猖缺戕悲相國開網見殷湯格鬪中
原血誅求海內瘡猶須哀痛詔可少治安章斟
酌調元氣扶持立紀綱薦新行太廟覽政坐明
堂不獨殲豺虎還應感鳳凰蒼生倚君相拭目
看時康

秉衡在獄中感懷有作二十韻

明儔日幸蹇念汝涕如瀆賈誼生非晚鄒陽志
不群書從梁獄上哭向漢庭聞天地虞羅密江
湖釣餌芬路豺那可問屋鼠竟難燻已懼蒼蠅
黠真成貝錦文神龍在污淖鷲鳥失青雲日月
盆還覆董猶器不分斗間誰辨劍野外拄懷芹
談虎嗟何及亡猿禍已云高才元脫畧衆口但
紛紜木直防先伐蘭芳已自焚晝臺幽白日久

井下霜氣曉榻明星哲隍墻白草曛連駭虛纏
縷尺牘阻慙慙石父遭齊相鍾儀滯楚軍受書
賢不死演易聖猶勤縲紲終非罪文章固有勲
燕臣霜霰烈庶女震雷殷佇見 天王聖金雞
早赦君

寄題丹陽孫氏七峯山房

聞爾山房勝青天秀七峯芙蓉疊日月雲霧裊
杉松皆倚岳巒積窓逼洞壑重丹霞互明滅瑤

草自春冬靜得沉冥趣幽探仙聖蹤源潭暗雷
雨白書看蟠龍

蓉漢書屋

書屋芙蓉溪曲雲林屬嶺斜一經常相業萬卷鄴
侯家檻護連枝秀池看並帝葩謝庭森玉樹漢
省接金華山月岷峨雪江天灑潏霞花潭通白
石錦水出丹沙星野光芒聚鴻霄羽翼邀地靈
與文物今古檀三巴

方朔圖

調笑東方朔沉酣金馬門竊桃主母見懷肉漢
皇恩月下雙鸞返雲間八駿奔玉盤春不見丹
核代長存事往丹青錯圖開錦繡屯素湍搖弱
水玄圃折崑崙種樹非潘縣迷花似楚村千年
一結實萬古自蟠根海日紅猶爛天風裊更繁
神仙皆白羽翼洲島異乾坤無路乘黃鶴何田踏
赤鯁市朝棲大隱那識歲星魂

友竹

買園惟種竹身與竹為儔一逕白雲裏千竿清
吹幽江亭朝對雨水榭早迎秋翠袖天寒倚朱
絃日暮愁風因故人至月為此君留逸駕今誰
並前身是子猷人多嫌寂寞吾獨慕清修苦節
長如此虛心不外求琴樽忘老病几席共綢繆
歲晚根逾固霜繁花益稠山空鷓鴣怨海闊鳳
凰憂高志寧須待深棲且自謀何因孤興發吹

笛上君樓

渡涇渭

秦集

北回亂涇渭東眺極澄瀛落日兩盞瀟遙天雙
帶縈波流亘明滅岸折屢崩驚隔樹望迴合分
濤揚濁清堰渠饒上壤形勢迫西京漕挽通秦
甸津梁跨漢城湮沉九州會雄壯八川名空提
入河志復含浮海情風沙滿世路雲浪渺江程
鵲去星源遠鯨翻霧島輕片帆倘可借萬里自

茲行

大復集卷第二十三

大復集卷第二十四

七言律詩六十四首

舟次漢陽以下使集

使客舟從漢口來，武昌城對漢陽開。
千年洲在空流水，百尺樓高鎖舊臺。
大白未輕崔顥句，老瞞元妬彌生才。
山川不盡豪華盡，落日烟江思轉哀。

武昌聞邊報

傳聞虜騎近長安○北代○朝廷已遣官○路繞居
庸烽火暗城高山海戍樓寒○一時邊將當關少
六月○王師出塞難○先帝恩深能養士○請纓
誰為繫樓蘭○

長安驛

暮雨蕭蕭雲黯黯○數家山下起炊烟○窓聞早鴈
秋多思○門對寒流夜不眠○遠使正持三楚笏○舊
遊曾扣九江船○驛程南去無窮路○來往風塵閱

歲年○

雲溪驛

雲溪驛裏經過處○六七年間兩度行○風土不殊
初到日○雨墻難認舊題名○異方見月思鄉縣○遠
客逢秋念友生○明日巴陵江上酒○弟兄相對不
勝情○

岳陽

楚水滇池萬里遊○使車重喜過巴丘○千家樹色

浮山郭七月濤聲入郡樓寺裏池亭多舊主城中冠蓋半同遊明朝又下章華路江月湖烟館別愁

岳陽城中聞笛

何處笛聲三四弄坐聽疑隔楚江濱落梅折柳怨清夜激羽流商哀白雲月上山樓人獨倚風高秋院客先聞洞庭空濶瀟湘冷縹緲餘音送鴈群

七夕

夜久高城風露收微雲斜漢兩悠悠閨中擣素思關塞樓上穿針待女牛屏燭夜深秋似水池花香淡月如鈎桂宮高處寒多少誰念嫦娥此夜愁

寄君山

塵踪西過巴陵地尚欠君山寺裏詩十里無緣携客到六年不見使人思空巖竹映湘妃廟舊

井潮深柳毅祠湖上老仙誰得遇夜寒橫笛向江吹

華容吊楚宮

別館離宮紛綺羅細腰爭待楚王過章華日晚
春游盡雲夢天寒夜獵多廢殿有基人不到荒
臺無主鳥空歌西江烟月長如舊只有敏華逐
逝波

秦人洞二首

挑川道士來相送指點仙踪玉觀西雲鎖洞門
何處問花開溪路幾人迷石橋自發新秋草丹
竈長封舊日泥落日山中不勝思松陰竹色冷
淒淒

二

聞說秦人此避秦碧挑零落舊時春家移洞裏
難知姓水到人間易問津山色溪聲自今古石
床磧戶空埃塵洞前卽是南征路來往年華容

鬢新

月潭寺二首

玲瓏金刹白雲邊。踏閣攀林一徑穿。龍出洞門
常作雨。鶴巢松樹不知年。僧來殿上鳴鐘飯。客
到山中借榻眠。怪底夜來難得寐。秋風窓下遠
流泉。

二

綠蘿陰下到蒲團。茗葉松花進晚餐。近水雲霞

晴亦雨。傍巖樓閣書常寒。旅懷寥落逢秋半。僧
話淹留坐夜闌。烟悵塵蹤又南去。朝來鐘磬隔
烟巒。

出新添城

出城凝望一沾巾。行到窮邊見洞垠。青草時多
逢瘴死。白茅屋為任山貧。秋來萬里倦為客。日
落千峯愁殺人。聞道徵兵需北戰。朔方應已困
胡塵。

憶中舍諸寅

憶昨共陪天北極。幾回朝賀識。龍顏。簾開仙
掖宮雲近。地隔金河苑。日閑青瑣。夜歸池上珮。
朱衣曉入殿中班。只今遠使。遠趨奉。清夢常依
霄漢間。

憶諸同遊

冠珮長安多貴游。別來時復見。新秋花邊騎馬
春遊寺月中。橫簫夜上樓。鴻鴈不傳長道字。江

山應繫遠人憂。遙知賓館常懸榻。經歲誰能為
我留。

安莊道中

處處人家空薜蘿。幾年凋弊。擾干戈。山過白水
峯巒峻。路入盤江瘴。厲多嶺。徼土風連百粵。郊
原人語雜諸羅。側身西望看銅柱。此地曾經馬
伏波。

漢將祠

嵯峨高嶺入雲平。嶺上人傳漢將名。殊域歲時
供祭祀。千秋祠廟著神名。古牆不辨丹青色。深
夜猶聞劔戟聲。下馬獨來詢舊事。殘碑無字紀
南征。

新興

蕭條窮巷掩荆扉。立馬荒原見雁飛。城為燒殘
鄆市少。地從戰後草萊稀。燐生陰雨黃昏見。為
哭秋山白日微。却怪當年出師者。豈無寸策達

戎機

普安

日下孤城生夕烟。相逢只說敗師年。秦門晝閉
青山上。戎角寒吹白漢前。寇至不知重嶺隘。兵
來能得幾家全。居人尚想黔中將。統領三軍獨
晏然。

九日黔國後園二首

河處風烟消客愁。將軍臺榭枕山丘。一年又過

重陽日兩鬢空愁萬里秋。水國陰多寒已至。炎
方霜後瘴初收。憑高欲送登臨眼。更上池邊百
尺樓。

二

天空遠水明秋岸。梧葉蕭森楓樹殘。黃菊數從
行處見。紫萸獨向醉中看。浮雲樓觀須城暮。落
日山川隸道寒。忽憶登高去年客。慈恩湖閣共
憑闌。

白帝城

峽日風悲猿夜號。孤舟燈火宿烟臯。草深廢井
人家少。水落寒山雉堞高。自古金湯難恃險。當
時版築豈知勞。永安亦在荒城裏。玉殿淒涼空
野蒿。

歸州

暮雲天際見高城。行盡千峯峽漸平。古郡山頭
萬家住。客舟江上一燈明。竹枝慣聽巴人曲。鳥

道繞通楚國程未卜東歸何日到片帆斜月對
離情

郢中

荆門南下接平曠蕭索風烟似晚秋衰草茫茫
楚宮廢荒城寂寂漢江流人亡異代空遺宅歲
暮他鄉獨倚樓最是陽春音調古至今歌罷少
人酬

呂公祠以下家集

落日蕩漾古水濱郢城邊逢暮春趙王臺榭
草花盡呂公祠堂松桂新馬上十年元是夢世
間何處可還真黃金白髮俱閑事赤日紅塵愁
殺人

還家口號

十年奔走違親舍此日歸來喜不禁敢向明時
輕組綬祗緣多病乞山林閑居擬著潘安賦高
卧寧知謝傳心早晚南巖桂花發開軒相望一

長吟

高夔州先生示賞李秀才園中芍藥詩

用韻奉答

李家芍藥開滿堂夔州太守更清狂題詩晚坐
朱欄靜對酒春憐白日長好為池臺留爛熳莫
教風雨怨淒涼佳期卧病難乘興悵望殘花憶
謝郎

五日

五月五日天氣鮮艾葉榴花堆眼前鄉土歲時
殊不惡閭閻風俗自堪憐鄰人角黍能相送野
老蒲觴得共傳回首十年車馬地每逢佳節淚
潛然

病後

病後頻驚節序過不將風景怨蹉跎秋來門巷
依楓橘歲晚衣裳戀芰荷洛下閑居辭宦早茂
陵消渴著書多鳳凰池上三年客驥裏空鳴白

玉珂

吹笛

橫笛高城弄晚颼碧空如水鴈來時關山月落
腸應斷樓閣秋生響易悲楊柳天邊渾折盡梅
花江畔故開遲武陵回首南征路一曲那堪馬
上吹

沈逸士來自吳下能詩善鼓琴間授篇
什見訪顧館於城中子以病不得出乃

作此詩招致敬庄

寂寞秋山卧病年美人勞贈白雲篇陳蕃已下
迎徐榻王子寧回訪戴船郭外樓臺堪眺望水
邊花樹足留連廣陵失後無新譜莫惜携琴為
我傳

邀沈清溪趙雪舟馬百愚登樓次百愚

韻

村居邀客慚供給且為青山一倚樓十里沙平

遙對酒百年地迥更逢秋
城中車馬何人到曲
水風烟盡日留無柰天涯歸思切
孤帆八月下長洲

次韻馬百愚同沈清溪見訪

門接漁樵只數家
柳條藤蔓轉相遮
不妨佳句頻題竹
况有清尊共對花
閣定攀樓舊榻入
溪還擬著浮槎
誰言人世相逢易
浩蕩江湖未有涯

十一月五日雨中邀沈清溪趙雪舟

仲冬風雨似秋來
無客蓬門畫自開
幽抱向人那得盡
窮愁泥我若為裁
不禁遠岸梅花照
更見孤城柳色催
三徑已拚留二仲
相過此日莫遲回

雨晴

竹裏柴門冬日輝
水邊烟霧晚霏微
背霜石壁丹楓盛
待雪沙田青麥稀
自愛群鳥將子去
却

疑雙鶴見人飛。西郊風物晴還好。誰共看雲興
不違。

冬至

至日哦詩野水濱。乍晴天氣最宜人。簷前白日
不覺晚。山下寒梅俱放春。遠客盤飧還偶共。故
園風俗自須親。病來又見陽回節。鳴玉何由拜
紫宸。

立春

今年臘月逢春日。喜見東風隔歲吹。沙上柳條
已堪把。城邊梅花亦不遲。離離山郡開雲雪。再
冉鄉園易歲時。欲與鄰翁試新酒。相邀酌莫
深辭。

燕子次杜工部韻

燕子飛時江柳春。眼看節序幾回新。亦知社日
歸鄉國。忍對秋風別主人。舒倦不殊群物理。往
來寧有百年身。空簾寂寞山堂夕。惆悵花枝淚

滿巾

秋興八首

高樓一上思堪哀。水盡山空鴈獨迴。萬里關河迷北望。無邊風雨入秋來。故人尺素年年隔。薄暮清砧處處催。徒有寒樽對花發。病懷愁絕共誰開。

二

憶在京華近侍年。五更清珮入朝天。鳳凰池接

夔龍會。閤闔樓開日月懸。南國自通滄海貢。胡塵不動玉門烟。只今病卧遙回首。夜夜清光北斗邊。

三

前歲今皇新御極。鳳銜恩詔出明廷。孤槎奉使日南國。萬里題詩天畔亭。地入金沙江浩浩。風連銅柱海溟溟。昆明亦在滇城裏。池上虛疑織女星。

四

蜀中形勝千年在，峽樹江花照使袍。
神女廟深虛暮雨，漢王臺迥落秋濤。
漁人東望滄浪闊，客子西來灩澦高。
不見啼猿繫舟處，風波遙夕夢魂勞。

五

漢水東馳入楚來，長沙秋望洞庭開。
江清樓閣中秋見，日落帆檣萬里迴。
去國尚思王粲賦，逢

時空惜賈生才。湘南兩度曾遊地，惆悵烟花暮轉哀。

六

秋來門巷少經過，日日幽懷對薜蘿。
一笑流光拋客路，十年歸夢落漁簑。
沙邊返照寒初歛，水上浮雲晚故多。
苦憶梁園辭賦客，黃河愁望渺烟波。

時李獻吉在汴州

七

裊裊西風歇。衆芳天高谿谷。迥烟霜。孤城落雁。
衝寒水。萬樹鳴蟬。帶夕陽。塵滿一區。揚子宅。蓬
生三徑。蔣公堂。相過未有裘羊。葦醉裏狂歌。亦
自長。

八

千年申國有提封。楚塞重關。渺未窮。舊事祇看
東逝水。高臺不斷。北來鴻。連山落水。蕭條後。隔
坐殘花。悵望中。正是平居多感慨。底須辭賦。答

秋風

聞望之買馬促裝以詩留之

聞君買馬銜霄發。正為慈顏在遠京。已喜尺書
前日至。不妨旌節隔年行。故鄉歲暮難為別。長
路天寒益繫情。擬辦盤飧留暫住。况逢風雪阻
嚴程。

同太史焦淮濱游青峯禪寺

裊裊丹梯百丈懸。上方宮在白雲間。川原暮過

淮西雨樓閣暗開楚上山
厭逐風塵為客久喜
將樽酒對僧間同遊更有情
親在並轡山中日
往還

十二夜月

待月東林月未圓水邊樓閣半輪偏
誰家玉笛
休空怨此夜清樽益可憐
即向乾坤生羽翰更
看江海淨風烟停杯席上遙相問
却愧當年李
謫仙

人日懷孟望之

人日登高聊引興萬峯寂寞對申亭
鶯花出郭
還難見雨雪逢春尚未開
沙畔柳條悲暮角城
邊柏葉照寒杯關河悵望東歸使
渺渺孤槎幾
日迴

寄贈劉東山先生次林都憲韻

一流歸來卧舊山幾回天上識客顏
城邊黃石
留侯去海內蒼生謝傳間
日月夢隨天闕仗烟

波家在洞庭灣。南瞻江漢無多路。不得乘槎一
往還。

寄懷端虛堂

草堂風物迥無倫。夔府詩成更有神。携酒幾時
客入社。卜居今日願為鄰。謝安亦有東山妓。文
舉元多北海賓。珍重城邊花竹樹。年年不厭訪
君頻。

酬高新甫

連篇落落見才華。未報瓊瑤祗自誇。靈運詩成
應夢草。江淹筆在更生花。行吟出郭愁仍破。病
起逢春思益嘉。不惜清詞三百首。品題常到野
人家。

代孫太守自題沱西別業次劉東山先

生韻兼酬東山

黃鸝未比謝家莊。綠野還連晉國堂。亭榭寥寥
看市遠。江湖渺渺接天長。慚過高士蓬三徑。喜

望佳人水一方安石他年如未起賦歸應許共
徜徉

寄張別駕

苦憶朗陵張別駕尺書今忽到林丘江東亦起
秋風興溪上難忘雪夜舟山郭有花空悵望水
亭無客自淹留江蘭岸柳俱相待莫負清樽此
日遊

九日不見菊次劉朝信韻

一秋風物已淒涼九日無花只斷腸徒把青樽
留客醉不教繁朵向人黃鳴絃急管休相聒舞
蝶遊蜂莫自狂獨坐孤城正愁寂更堪落木下
斜陽

夜坐

暮雨寒雲黯復開山齋獨坐思難裁水生門外
沙鷗至月落燈前鴻鴈來四海交遊摠霄漢十
年蹤跡但塵埃長安不見空回首歲晚愁登萬

里臺

九月二十六日同賈廣文劉舉人任貢
士高瓊府先生宅內賞菊四首

陶令門前花盡開
郭西騎馬看花來
疎枝淡蕊
寒仍發
細雨斜風晚更催
擬向夜深還秉燭
可憐秋盡始傳杯
相逢一笑真非易
共把斝
殺醉不回

二

秋來搖落俗堪嗟
喜見孤芳殿物華
深院護離
元密密
小堂穿徑故斜斜
清詞屢動詩人座
白
酒還逢處士家
老逐少來無住日
莫教空負滿
頭花

三

淺白輕黃千萬枝
幽香今日始相期
雨中籬落
人稀到水畔
亭臺蝶不知
折向秋風堪寄遠
種

因晚節故開遲。去年此會今皆健。來歲花時可對誰。

四

野店山家開已殘。寒來移近曲闌干。亭亭似與霜華鬪。冉冉偏隨月影繁。千里況逢佳客賞。幾人能得故園看。清尊歲暮東籬下。采采金花不滿盤。

生子

添丁好。徐氏誰言二子殊。未論圖書能繼業。且教門戶有懸弧。劬勞正念吾親在。更遣悲歡此日俱。

溪上

溪上茅齋不掩扉。西風初罷芟荷衣。月寒沙柳蕭蕭落。天晚江鴻肅肅飛。野客我詩水邊家。人沽酒夜深歸。相逢醉語休辭數。城外黃花漸覺稀。

大復集卷二十五

七言律詩六十一首

無題

艷舞嬌歌出絳紗○
黃金不惜教琵琶○
鴛鴦本是雙棲鳥○
菡萏元開並蒂花○
紫玉豈忘韓韋侶○
綠珠寧負季倫家○
多情自古還多恨○
腸斷春風巷柳斜○

次韻答莊國賓見訊

多病無能合罷官。清時那敢獨求閒。遠沙日出
明如水。高樹雲來暗似山。已恨緇塵侵素服。不
教青鏡老紅顏。美人歲暮旁相問。嚴殿桂山中祇
自攀。

贈潁川張子辰秀才

聞君已是青雲翼。萬里飛騰竟若何。縱有當時
許由耳。莫教更洗潁川波。麒麟自掣黃金鎖。驥
裏終鳴白玉珂。知爾匣中雙寶劍。塵埃他日為

誰磨

答雷長史四首

每誦清詞動我愁。山中歲暮若為酬。因攀桂樹
遙相憶。欲寄梅花可自由。萬里江湖雙涕淚。可
年天地幾交遊。誰憐舊日中朝客。謫向王門半
白頭。

二

玉壘青城萬里山。亦知歸興滿鄉關。沙邊返照

寒將斂江上行雲晚未還
道路南來多壅隔雲
霄北望王少歸攀拽裾受簡皆清事
莫向滄浪叢
我間

三

汝上相逢歲已長
故人官况近荒涼
天涯白髮
催遲暮客裏清尊送夕陽
賈誼功名終負漢
馬
鄉詞賦尚遊梁
看君尺素遙相慰
况是羊何有
和章

四

十載寒氈鄭畫師
風流文采更堪思
朱門鼓琴
官仍達青殿揮毫出每遲
百里風烟還薄暮
孤
城雨雪已多時
極知歲晚傷心切
起傍官梅自
詠詩

送馬公順視學湖南四首

近來人物關中盛
夫子才名海內稀
得路驂騑
看獨步出塵鷹隼羨高飛
十年京路猶今日
萬

里江湖更落暉。同是燕臺舊遊客。可堪相見又相違。

二

洞庭雲夢眼中寬。襄國荆門掌上看。三楚樓臺皆壯麗。萬年江漢自波瀾。烟花白日空愁暮。鴻鴈青春尚避寒。莫道秦川歸未得。人間今日路行難。

三

雨年懷抱今日開。聽語京華首重回。天上故人難得見。世間歧路轉堪哀。孤舟落日三江口。遠客清尊萬里臺。南斗尺書

行來

四

武昌南望盡雲沙。楚岸湘亭更好花。桃李百城開士館。星河中夜傍仙槎。南宮書畫新連舫。吏部文章舊滿家。直北五雲天更遠。欲從何處望

京華

王君宿邀蔡大尹過子舍至期雨候岑
不至作詩促之

招邀數見主人迎枉顧何慚令尹情
祇為泥途仍羈旅故國風塵尚甲兵
張翰本非思玉鱸謝安終不忘蒼生
遙瞻山斗徒芳仰苦恨江湖不易行

懷西涯公

六省尚書第一班兩朝元老領千官
空教外國聞裴度未見東山起謝安
歸去朝廷公望重老來湖海路行難
兵戈此日交馳檄將帥何時議築壇

寄希哲望之二兄

東風悵別十年懽北斗愁臨五夜看
海內君親情獨苦天涯兄弟見俱難
孤城落日黃鸝暮紫塞青春旅雁寒
君夢可曾回故里予心終日在

長安

寄任司訓

江湖不見任公子，風雨常懷老鄭虔。
異域親朋皆萬里，故鄉花柳又新年。
青春已共浮雲去，白日難同逝水還。
為道故人從別後，一身顛顛淚雙懸。

寄馬君鄉固安

絃歌今作王畿宰，辭賦元傾上國人。
易水塵沙

連雨雪，漢家樓觀接星辰。
交期抵望雲間復，生計猶慚海上綸。
冠盜縱橫朋舊隔，江湖此日淚盈巾。

雨中留蔡黃二親

門巷泥深過客難，百年聊共此盤餐。
浮雲落日山河暮，細雨青春樓閣寒。
近夜蛟龍還入浦，夕陰鴻鴈更移灘。
年華滾相逢少，暮厭拚留到夜闌。

清明上先袒并兄墓

城西鬱見佳城駐馬山頭悵獨行萬古松楸
此丘壠百年花柳又清明音容地下空成夢骨
肉人間益愴情更望老親封塋地恨隨春草一
時生

表惟武邀客泛舟夜下次韻

春水逶迤碧樹邊滿筵賓客醉開船情親不厭
頻來往語笑何妨更接連遠岸星河天共轉近

城鐘鼓夜初傳人間此會真非易荏苒春風為
爾憐

葉四公子西園

邀客西園公子家東風二月已飛花蒼煙碧柳
行春馬樓倚青山落暮鴉移席樽壘遙出浦入
舟燈火更依沙清吟况樓同鄉彥應有文星動
水涯

張太守宅同賈長教會集

遲日香風細，迴招邊更喜。席文音，壬年又下
南州榻。三月同傳北海杯。于院雲陰移几席。春
城雨色映樓臺。三鱣五馬皆高客。獨愧江鷗共
往來。

春興

東風回首即殘春。日日清江愁白蘋。北去雲霄
無道路。西來天地有烟塵。身經貴賤知交態。事
到安危憶古人。却喜故園桃李樹。花開又見一

迴新

冲霄先生同惟學過訪

風超高城春日斜。相留肯醉野人家。白雲對酒
看山色。青草題詩到水涯。隔岸鳴鶯深坐樹。傍
樓飛燕故穿花。竹林萬古追遊地。二阮風流未
足誇。

同鐵溪朝信宿賢隱寺次韻

雨過青山暮色來。僧堂客坐燭花開。半空樓閣

星河動滿院松梧鶴鶴回。浮世黃塵兼赤日。古
人白骨已蒼苔。兵戈此際同盃酒。愁聽春城鼓
角哀。

惟學南園

樹裏行盃坐日斜。池邊立馬聽鳴鴉。苔陰雨暮
寒。青竹水色春深靜。白沙開徑蓬蒿無俗客。入
城花柳似山家。百年懷抱君應識。不是淹留為
物華。

登謝臺

故國蕭條登此臺。暮雲春色轉相催。蓬蒿滿地
悲風起。樓觀當空倒影來。山鳥不隨歌舞散。野
花曾傍綺羅開。今來古往無窮事。萬載消沉共
一哀。

揚花

三月揚花裊裊白。憂人淚點暗中拋。漫天撲地
有何意。惹草枯沙多似毛。忽趁狂風翻自遠。更

遮落日強相高。紅塵滿眼青樓暮。攪亂春愁為
爾旁。

秋夜

黃弱花垂霜月陰。碧林丹樹各蕭森。關山日暮
豺狼近。海水天寒鴈鷺深。萬事誰能看倚伏。此
身何必問升沉。干戈未息瘡痍在。未夜遙迴折
寸心。

賢隱寺別劉朝信

臘近孤城送客難。一尊蕭寺共悲歡。山空木葉
鳴風急。水曲松林皆日寒。歧路人間妨躍馬。十
年天上憶鳴鸞。知君此去長安近。擬向雲霄日
北看。

歲暮

歲暮孤城日易陰。溪邊茅屋苦寒侵。江湖更覺
龍蛇遠。霜雪翻教燕雀深。病起一身推縱酒。愁
來雙淚忽沾襟。山林鐘鼎皆吾志。北望悠悠萬

里心

對雪懷朝信兄

十月孤城雲黯然，萬峯飛雪此溪邊。
烟斜細索寒自風急飄，落暮天何處玉珂迷。
紫陌幾家銀燭照華筵，茅堂此際堪乘興。
不放山陰半夜船。

寄胡宗器悼內

玉簫不聽鳳凰鳴，銀漢愁看織女星。
末夜機中

悲蟋蟀十年窓下拾流螢，白頭司馬空多恨。
清淚安仁更苦形，見說生兒是奇器，他年應慰九泉靈。

穀日

翠壑煙開風滿林，岸雲沙雪暝陰。
城邊瓜地謀生計，溪上青山獨徃心。
野客開樽閑共語，曰夫負來亦相尋。
茅堂春事年々異，不廢鶯花比日吟。

送任宏器入京二首

四十功名亦壯年。丈夫才氣豈從然。渡河春羨蛟龍起。望闕晴看日月懸。江畔梅花初送雪。天邊楊柳正含烟。悲歌此日臨燕趙。未許奇遊屬馬遷。

二

與爾相逢已十年。孤城此別意蕭然。春來鄉里交游少。日暮江湖涕淚懸。麒麟未應辭道路。豫

章終擬出風烟。因君遙起長安思。况是征鴻又北遷。

葉邦重山水畫

我愛君家畫裏峯。更看茅屋傍雙松。白雲不是人間路。滄海終期物外蹤。野徑一春無駐馬。石潭深夜有蟠龍。移家欲向溪邊住。坐聽青山日暮鐘。

張給事安期圖為乃翁壽

黃髮仙翁白鹿車。安期親見束如瓜。玉盤已獻
千年實。玄圃先開五色花。壺裏青天長日月。眼
中滄海又塵沙。觀圖花識封君面。壽酒頻來給
事家。

贈揚靜之歸真陽

人物遙從泮水看。眼中鄉里舊衣冠。江鴻終擬
登遙路。海鵲還應愛羽翰。九月黃花聊對酒。千
山紅樹正憑欄。真陽城外秋仍好。悵望西風白

露繁

大虛上人為起書樓

書樓新起賴休公。况接丹梯百丈通。祇為雲松
巢此地。不須車馬到山中。白雲倚檻臨丹壑。明
月開軒坐碧空。更作百年投老計。已將別業傍
禪宮。

遊西山胡本清邀留

獨馬尋僧春到寺。萬山邀客晚登臺。野人門巷

松邊入。稚子盤餐竹下來。江鳥亦隨山鳥喚。紅
花偏映白花開。頻遊苦為東風意。况是情親豈
浪猜。

新色寺與諸生留別

落日鄉山客淚邊。離懷相對各淒然。秋原臺殿
臨寒景。長路風塵入暮天。去國已遠丹壑志。望
鄉空賦白雲篇。五年師友兼恩義。未卜相逢是
幾年。

趙生書屋

城中無日不塵埃。騎馬尋朋此地來。籬落過人
驚鳥雀。庭堦留客掃莓苔。不妨濁酒繆綢醉。况
有秋花爛熳開。人世相逢元未易。高城鐘漏莫
頻催。

題任草亭思親卷

十載音塵別夢遙。月寒山色暮烟高。慈烏樹老
情空在。杜宇林疎血未銷。悵入東風傷綠髮。淚

隨芳草濕青袍。海天恩義憑誰話。日斷雲孤思
正勞。

贈嚴生

嚴生開卦南門市。一日聲名動此邦。共喜君平
今有後。誰傳郭璞世無雙。白雲晝覆焚香室。清
月宵臨讀易窓。不把升沉更問汝。行藏吾已傍
滄江。

述懷

紫芝黃獨幾回新。霜雪山中又見春。萬古光陰
雙過客。五年江海一歸人。豺狼滿地無行路。戎
馬他鄉有戰塵。潯水河邊釣臺上。分明天與此
閑身。

送周大

月白寒城菊有花。孤燈落葉映交加。冬亭霧露
縈沙曲。夜閣星河傍水涯。千里賓朋常命駕。百
年父子更通家。梁山楚水無歸路。來往風塵幾

歲華

題劉朝信唐學士瀛洲圖

香島重簾玉署清。翠微樓閣報平明。花邊歸馬
仙袍濕。柳外啼鴉御苑晴。秦國姓名青簡重。龍
圖風月彩毫輕。千年芳躅君應接。共看層空一
鶚橫。

送惟學南還

以下京集

一年賓館空彈劍。九月燕京未授衣。世路風塵

悲旅鬢。春園花竹夢荆扉。扁舟舊泛心常往。萬
卷今開志豈違。京國重來又三載。臨歧真恨不
同歸。

送趙司訓還羅山

以喪偶歸

燕姬砧杵催揚柳。楚客衣裳緝芰荷。宦況不為
游遠賦。閨情空續悼亡歌。愁聞鄭監青氈苦。老
覺安仁白髮多。日暮千山歸故國。秋深一鴈度
黃河。

送易大史歸省湖南

楚鄉秋去息風塵。碧石清沙江色新。入里競迎
金馬士。趨庭遙拜白頭人。天邊拄杖尋南嶽。海
畔登樓望北辰。亦是長沙詞賦客。莫看搖落重
傷神。

八日王宗哲宅見菊

燕臺菊樹艷秋堂。楚客鄉心益渺茫。人世幾回
逢一笑。天涯明日過重陽。高雲錦石寒相映。細

雨清沙濕不妨。况是右丞多雅詠。可能無興醉
花傍。

九日雪荅崔太史

常年九日多風雨。風雪今年更可哀。颯々仍兼
木葉下。輝々故弄菊花開。關河朔氣催燕塞。城
闕秋陰起漢臺。今日春秋誰紀異。亦知君是廣
川才。

苦熱

燕京閨憂漬涼阻。楚客羸軀毒熱偏。雨過即如
早濕地。雲來翻助鬱蒸天。南邦僻他寒江。閣西
嶽高峰。玉井泉。思有丹梯。凌倒景。恨無孤棹。截
長烟。

雨中

苑上行雲細裊。城邊鳴雨忽垂。炎天樓閣
虛相映。燕地風塵日自悲。滄海未通吳貢賦。黃
河猶閣漢旌旗。腐儒退食真何裨。悵望寒江暮

有思

聞河南寇

檄書近報河南寇。楚塞梁關轉戰空。豈有兵車
能遠敵。即愁道路阻難通。江淮城塹西南險。嵩
洛山川天地中。今日至尊憂不細。幾時諸將
捷音同。

西海子

寺下烟波春不開。苑中風浪隱樓臺。源泉細繞

西山出雲氣深從北極來萬里乘槎觀日月十
年登閣望蓬萊黃塵碧水須臾事莫使魚龍夜
夜哀

汝忠宅待戶同望之

空堂濁酒三人醉萬里清光迥未開深夜西鄰
還鼓吹碧天東望有樓臺虛疑星漢城邊照實
怕風雲海上來坐對孤燈各愁思九關哀角更
相催

大復集卷第二十五

